



INNKALLING

Møtedato: 16.04.2020
Møtestad: Fjernmøte
Møtetid: Kl. 15.00

Den som har lovleg forfall, eller er ugild i nokon av sakene, må melda frå så snart råd er til Kristian Stråmyr, tlf. 959 84 647 eller til epostadr. kristian.stramyr@aurland.kommune.no slik at varamedlem kan bli kalla inn.

Varamedlem møter etter nærmare innkalling.

Dokument som ikkje er tilsende, kan du få kopi av på rådhuset.

Møtet vert gjennomført som fjernmøte i medhald av mellombels forskrift om gjennomføring av fjernmøter i kommunar og fylkeskommunar for å avgrense spreing av Covid-19 .

Aurland, 08.04.2020

Frode Aas Tufte
Utvalseiar

Sakliste

Sak nr.	Sakstittel	Gradering
005/20	Godkjenning av møteprotokoll	
006/20	Referatsaker	
007/20	Delegasjonssaker	
008/20	Endring av vedtekter for SFO i Aurland gjeldende frå 01.08.2020	



AURLAND KOMMUNE

Sakspapir

Saksnr.	Utval	Møtedato
005/20	Levekårsutval	16.04.2020

Arkivsaknr.:	Arkiv	Sakshandsamar	Dato
20/147 - 20/999		Beathe Ekhall Stentvedt 91111406	07.02.2020

Godkjenning av møteprotokoll

Ingen merknader til møteprotokoll

Vedlegg:

Protokoll - Levekårsutval - 03.02.2020



AURLAND KOMMUNE

Sakspapir

Saksnr.	Utval	Møtedato
006/20	Levekårsutval	16.04.2020

Arkivsaknr.:	Arkiv	Sakshandsamar	Dato
20/147 - 20/2644		Kristian Stråmyr 95984647	08.04.2020

Referatsaker

Ingen merknader til referatsaker

Oversikt:

1, Sluttrapport "På tvers" 23.12.19



AURLAND KOMMUNE

Sakspapir

Saksnr.	Utval	Møtedato
007/20	Levekårsutval	16.04.2020

Arkivsaknr.:	Arkiv	Sakshandsamar	Dato
20/147 - 20/2645		Kristian Stråmyr 95984647	08.04.2020

Delegasjonssaker

Oversikt:

006/19, Søknad om redusert skjenkeavgift for 2019

Administrativt vedtak:

Med heimel i kommunestyret sitt vedtak KS-042/13 og forskrift til alkoholova § 6-2, får desse verksemdene innvilga redusert skjenkeavgift på kr 1660 for 2019:

- Aurland ferie og fritid AS
- Gyllander Consulting
- Sognaporten info og servicesenter AS
- Marianne bakeri og kafe
- Opplev Undredal AS – Eldhuset
- Cafe Rallaren
- Upsete Fjellstove
- Aurland 292
- Unik Natur Hotels AS – Aurland Fjordhotel
- Skaldegard

- Flåm Zipline

Grunngjevinga for vedtaket er at løyvehararane har liten og til dels meget liten omsetning av alkohol. Løyveharar har søkt om reduksjon i skjenkeavgift i samband med innsending av omsetningsoppgåve i 2019. Berekinga av alkoholavgifta vert gjort på grunnlag av omsatt vareliter alkoholhaldig drikk i 2018. Vedteken alkoholavgift for skjenkeløyve er jfr forskrifta minimum kr 5.200, og for salsløyve minimum kr. 1660.

KS vedtak 042/13 heimler at skjenkeavgift som etter alkoholforskriften skulle vert kr 5200 vert sett lik forskriften sin minsteavgift for sal av alkohol på kr 1660. Løyveharar som har søkt om slik reduksjon avgifta får dette innvilga.

002/20, Sakshandsaming - Søknad om serveringsløyve

Administrativt vedtak:

Med heimel i lov om serveringsvirksomhet og delegasjonsreglementet, vedtek Aurland

kommune at, får Mat Aljundi org nr 823 746 202 kommunalt serveringsløyve.

Løyvet gjeld sal og servering av mat frå salsvogn i Aurland kommune på plass tildelt av Aurland kommune, mellom anna på kommunal torgplass på torget i Flåm

Dagleg leiar for løyvet er; Marah Bisher Aldandashi

Aurland kommune føreset at løyveharar set seg inn i dei til ein kvar tid gjeldande kommunale vedtekter for torgsal i kommunen. Det vert sett særleg fokus på mattryggleik.

003/20, Sakshandsaming - søknad om utvida skjenkeløyve i samband med julemarknad

Administrativt vedtak:

I medhald av Alkoholova §§ 4-2 4. ledd samt Delegasjonsreglement for Aurland kommune vert det gitt følgjande løyve for julemarkedet 1. og 2. desember 2018:

1. Gudvangen Hotelldrift AS får utvida skjenkeareal i samsvar med søknad til å gjelde lokalet Heidrun i Njardar Vlkingby
2. Skjenketid vert frå kl 11.00 til kl. 20.00 laurdag 01.12.18
3. Skjenketida vert frå kl 11.00 til kl. 18.00 sundag 02.12.18
4. Skjenkeløyvet vert avgrensa til å gjelde alkoholhaldig drikk i gruppe 1, dvs drikk som inneholder over 2,5 og høyst 4,7 volumprosent alkohol.
5. Løyveharar er pliktig å sjå til at det til ein kvar tid er nok vakter i skjenkeområdet, slik at gjeldande regelverk vert ivareteke.

6. Løyvet gjeld berre inne i lokala, og vaktane må sjå til at alkohol ikkje vert teke med ut.



AURLAND KOMMUNE

Sakspapir

Saksnr.	Utval	Møtedato
008/20	Levekårsutval	16.04.2020
	Kommunestyret	

Arkivsaknr.:	Arkiv	Sakshandsamar	Dato
20/169 - 20/2546	K2-A22, K3-&00, K3-&13	Beathe Ekhall Stentvedt 91111406	06.04.2020

Endring av vedtekter for SFO i Aurland gjeldande frå 01.08.2020

Saka gjeld:

Endring av vedtektene for SFO i Aurland gjeldande frå 01.08.2020.

Bakgrunn for at saka kjem opp er økonomi og harmonisering med vedtektene i barnehagane i høve punktet med stenging jul og påske.

Dei største endringane ligg i § 4 Opningstid og ferieavvikling og §5 Opptak, søkndsprosedyre og oppseiing.

§ 4 noverande vedtekter er delt opp i §4a og b. Det er framlegg på å endre opningstida til kl. 7.30 – 16.00. No er dette at det skal vere fastsett innfaor kl. 7.00 – 16.30.

Det er også framlegg om at SFO kan halde ope enkeltdagar i ferie om det er 5 born eller fleir. No er det krav om at det skal vere 5 born eller fleir i heile veker.

SFO skal fortsatt vere stengt 4 veker om sommaren, men det er ikkje spesifisert når. Heilt nytt punkt er at SFO held stengt julafta, i romjula, nyttårsafta og i skulen sin påskeferie.

§§ 5 og 7 er slått saman til § 5. Endringar her er at det er tilpassa skulen og SFO sitt administrative system.

Det er små endringar i form av presiseringar og justeringar i §§ 6 og 7.

I § 10 er det endra frå **bør** det tilsetjast dagleg leiar med pedagogisk utdanning til **skal** det tilsetjast.....

§§ 1, 2, 3, 8, og 9 er uforandra. (§§ 8 og 9 er i noverandre reglement §§9 og 10).

Tilråding frå rådmannen:

Rådmannen rår til at framlegget til endring av SFO-vedtekter vert vedteke.

Vurdering

Framlegg til endring av vedtektene er utarbeida av dagleg leiar ved SFO i Flåm og ABU, tenesteleiarar ved Flåm og ABU og skulefagleg ansvarleg.

Vedtektene har vore ute på høyring hjå FAU ved ABU og Flåm skule, Fagforbundet, Utdanningsforbundet, plasstillitsvalde ved ABU og Flåm skule, føresette til barn som begynner i skulen hausten 2020 og den er annonsert på heimesida til kommunen.

Frist for innsending av uttale var 11. mars 2020. Det var til saman 3 veker frist.

Det er kommet inn to uttaler på høyringa, ein i frå FAU v/ ABU og ein i frå Utdanningsforbundet.

Dei største endringane i framlegget går på opningstider, fast stengde dagar i jul- og påskeferie og krav i forhold til å halde ope i andre ferier.

I noverande vedtekter står det: Dagleg opningstid vert fastsett innanfor tidsrommet kl. 07.00 til 16.30. Opningstida vert elles tilpassa lokale behov.

SFO i Flåm har dei hatt opningstiden 07.00 – 16.30 og SFO på ABU har hatt kl. 7.30 – 16.00 dei siste åra. ABU har aldri teke i bruk dei utvida opningstidene.

Utdanningsforbundet skriv det vil vera fornuftig å samkøyra opningstidene ved SFO Flåm skule og SFO ABU.

Foreldrearbeidsutvalet (FAU) ved Aurland Barne- og Ungdomsskule (ABU) meiner at SFO bør ha same åpningstider som barnehagane i kommunen. (7.00 – 16.30).

Dei grunnjev dette med at fleire har barn både i barnehage- og småskulen og at ulike opningstider ved dei to gjer levering og henting vanskeleg å gjennomføra på ein god måte for foreldre og barn.

Det også har kome fram at det er ulik praksis i gjeldande opningstider i SFO innad i kommunen. I Flåm er det per i dag mogleg å levera borna kl 07:00, mens i Aurland er det 07:30 som gjeld. Denne praksisen bør også vera lik meiner FAU.

Vidare skriv dei at det står i gjeldande vedtekter at behov for utvida opningstid skal grunnjevast i søknad om SFO-plass. Dette bør vidareførast, dersom same åpningstid gjeld for barnehagane. Det bør ikkje vera eit krav til eit bestemt antal born for at utvida opningstid skal kunna gjennomførast.

På Flåm skule vert det brukt ei 20% stilling på utvida opningstid. Dette sjølv om dei går med lågast mogeleg bemanning frå 07.00-08.00 og er avhengig av at reinhaldaren er der og kan "rykke inn" som støtte om noko skjer. Ved å gå tilbake til opningstid kl. 07.30-16.00 vil Flåm skule spare minimum kr. 120 000,- pr. skuleår.

Viss vi ser på bruken av den utvida opningstida ved SFO i Flåm dei tre siste åra ser vi at det er fleire som har brukt dette på ettermiddag enn på morgonen. Det er ikkje mogleg å sei om det er grunna arbeidstid til føresette. Bruken av utvida opningstid har også gått ned siste skuleåret. Her er det dog bare oversyn fram til stenging 12. mars.

I forhold til barneperspektivet kan bli lange dagar om ein er der frå kl. 07.00 – 16.30.

Oversyn bruk SFO tidleg morgon /ettermiddag på Flåm skule dei tre siste skuleåra viser dette:

Skuleåret 2019/2020 (fram til stenging)

	Morgon	Ettermiddag
Ingen barn	69	20
1-2 barn	53	70
3-4 barn	2	30
5 eller fleir barn	0	4

Skuleåret 2018/2019

	Morgon	Ettermiddag
Ingen barn	72	9
1-2 barn	105	26
3-4 barn	4	100
5 eller fleir barn	0	66

Skuleåret 2017/2018

	Morgon	Ettermiddag
Ingen barn	57	18
1-2 barn	116	45
3-4 barn	13	76
5 eller fleir barn	0	47

Når det gjeld punktet å stenge SFO på julafta, i romjula, nyttårsafta og i skulen sin påskeferie er det ikkje kommet noken innvendingar mot dette i uttalane.

Oversyn over bruk av SFO på ABU og Flåm dei tre siste åra i jule- og påskeferie

viser at det har ikkje vore noken dagar med over 5 påmelde barn i jule- og påskeferie dei siste tre åra.

Skuleåret 2019/2020

Juleferie Ingen dagar med over 5 påmelde. Stengd

Skuleåret 2018/2019

Juleferie Ingen dagar med over 5 påmelde. Stengd

Påskeferie Ingen dagar med over 5 påmelde. Stengd

Skuleåret 2017/2018

Juleferie Ingen dagar med over 5 påmelde. Stengd

Påskeferie Ingen dagar med over 5 påmelde. Stengd

Når det gjeld § 10 skriv Utdanningsforbundet at dei ynskjer velkomen endringa
skal det tilsetjast dagleg leiar med pedagogisk utdanning.

Samarbeidsutvalet ved Flåm skule handsama høyringa i sak 5-19/20 den 9. mars.
Dei tok dette til vitande og ynskte ikkje å sende inn uttale til høyringa.
Samarbeidsutvalet ved ABU har ikkje hatt saka oppe da dette møtet vart avlyst
grunna stenging i samband med begrensing av Korona-smitte.

Uprenta vedlegg til saka:

Vedlegg:

Framlegg til vedtekter for SFO gjeldande frå 1. august 2020

Høyringsuttale frå Foreldrearbeidsutvalet (FAU) ved Aurland barne- og ungdomsskule -
SFO-vedtekter

Høyringsuttale frå Utdanningsforbundet til SFO-vedtekter